

ՎԱԳԻՄԻՐ ԳՐԻԳՈՐՅԱՆ

ՇԱՀԱՄԻՐ ՇԱՀԱՄԻՐՅԱՆԻ «ԱՇԽԱՐՀԱՑՈՅՑ
ՀԱՅԱՍՏԱՆԵԱՅՑ»-Ը

XVIII դարի 70—80-ական թվականներին, հեռավոր Հնդկաստանի Մագրաս քաղաքում, հայտնի վաճառական Շահամիր Շահամիրյանի գլխավորած հնդկահայ առևտրական բուրժուազիայի քաղաքական-հայրենասիրական խմբակը զգալի գործ է կատարել օտար բարբարոս տիրապետության ներքո տվյալտող հայ ժողովրդի ազատագրության ու հայրենի հողի վրա հայկական անկախ պետականություն ստեղծելու գաղափարը արծարծելու ուղղությամբ: Շահամիրյանների տպարանում մադրասցիները լույս են բնծացել ու տարածել հայրենիքի ազատագրման և Հայաստանում ստեղծվելիք քաղաքական-հասարակական կարգի վերաբերյալ ծրագրային կարևորագույն վավերագրեր, այդ խնդիրների կապակցությամբ աշխույժ նամակագրություն են ունեցել Պարարդի մելիքների, Քարթլ-Կախեթի թագավոր Հերակլ II-ի, էջմիածնի կաթողիկոսների և բազմաթիվ այլ անձանց հետ: Մադրասցիների գործունեության ալյեալը կողմերն ու գաղափարները վաղուց հետե, հատկապես վերջին տարիներս, եղել են հայ պատմագրության ուշագրության կենտրոնում, ենթարկվել մանրադնին քննության և լուրջ ուսումնասիրության: Սակայն նրանց ազատագրական գործունեության հետ կապված մի ուշագրավ փաստ դեռևս ոչ միայն չի ստացել իր պատշաճ գնահատականը, այլև համարյա մնացել է ստվերի մեջ: Դա Շ. Շահամիրյանի պատվերով Հայաստանի քարտեզի՝ «Աշխարհացոյց Հայաստանակայց»-ի հրատարակությունն է, որ իրագործվել է Վենետիկում 1778 թ.:

Այդ քարտեզի նկատմամբ ուսումնասիրողների «անտարբերության» պատճառը, անշուշտ, նրա խիստ հազվագյուտ լինելն է: Հայաստանում, որքան մեզ հաջողվեց պարզել, չի պահպանվել նրանից և ոչ մի օրինակ, բայց երևույթին այդ քարտեզը հազվագյուտ է նաև արտասահմանում, դրանով պետք է բացատրել այն, որ այդ քարտեզը տեղ չի գտել նույնիսկ մի այնպիսի արժեքավոր աշխատության մեջ, ինչպիսին է վերջերս Փարիզում Զ. Խանզադյանի հրատարակած «Atlas de cartographie historique de l'Arménie»-ն:

«Աշխարհացոյց Հայաստանակայց»-ի մի օրինակի ու նրանից հանված պատճենի հետ ծանոթացել ենք 1955 թ. Մոսկվայում՝ ՍՍՌՄ Կենտրոնական պետական ռազմա-պատմական արխիվում աշխատելիս¹ և ներկայումս ընդհանուր նկարագրությամբ ու մի քանի ծանոթագրություններով հանդերձ հրա-

¹ Центральный Государственный Военно-Исторический архив СССР (ЦГВИА), фонд 416, дело 303.